

## DISKURSU INAUGURASAUN FSQP

Husi

**Elisabeth Huybens**

**Country Manager, Timor-Leste**

The World Bank

Dili, Timor-Leste, 5 Outubru 2005

Excelencia Primeiru Ministru Dr Mari Alkatiri  
Ministru Edukasaun Dr. Armindo Maia  
Ofisial Ministériu Edukasaun no Belun Sira

1. Hodi Banku Mundial no parseiru doador TFET sira nia naran ami hakarak fo parabéns ba ema sira mak involve'an tiha iha Projetu Kualidade Eskola Fundamental ka *The Fundamental School Quality Project* (FSQP) nebé ohinloron selebra eventu importante ida. FSQP nebé Fundu Fidusáriu ba Timor-Leste finansia no Banku Mundial administra hamoris tiha iha fulan Juñu 2003 no foin lalais ne'e halo ramata konstrusaun eskola 60 – *eskola primária* 56 no *eskola bázika* hat iha distritu hotu-hotu.
2. Projetu FSQP orasné iha prosesu atu hanaruk tan to'o fulan Juñu 2006 no molok to'o iha tempu neba hamutuk eskola 103 – *eskola primária* 99 no *eskola bázika* hat sei harí no fornesidu ho mobiliáriu profesores nian, livrus textu no be'e no saneamentu wainhira ekonómikamente viável.
3. Maibé, sistema edukasaun nasaun nian presiza la'os deit infra-estrutura no rekizitu lojística deit. Nia presiza mos politikas diak-tebes, professores diak no material edukasaun ho kualidade a'as. FSQP fo ona apoiu ba Dezenvolvimentu Politika inkluidu formulasaun kurrikulu ida ba eskola pre-sekundária sira. Nia mos apoia ona artikulasaun no ezekusaun Kuadru Politika Edukasaun Nasional no Lei Edukasaun ida.
4. FSQP fo ona livru-textu 55,000 iha lian Portugés ba labarik eskola oan sira no Manual Profesores nian ba eskola primária hotu-hotu. Nia mos finansia ona publikasaun no distribuisaun revista *Lafaek* no *Lafaek Ki'ik* ba eskola hotu-hotu hamutuk ho CARE International.
5. Wainhira selebra daudaun realizasaun ne'e hau hakarak subliña ami nia apoiu makás no kontiñu ba Timor-Leste nia programa edukasaun no metas NDP no MDG sira atu realiza Edukasaun Primária Universal molok 2015. Atu fornese nesidades alunas foun 20,000 molok 2009, sei presiza harí tan sala-aulas foun 500 no sei presiza halo renovasaun ba sala-aulas 100 mak iha ona durante tinan tolu laran. Sei presiza treina mos profesores foun adisional hamutuk 600 durante periodu ne'e atu nuné permite labarik Timor oan tomak tama eskola primária.

Ne'e mak dezafiu balun hosi dezafiu wain mak sektor edukasaun ohinloron hasoru no ami hakarak deklara hikas ami nia parsearia hodi tulun Timor Leste alkansa nia metas sira.

Hau hakarak fo ba lmi tomak susesu nafatin ba atividade sira loron aban-bainrua, Obrigadu.